



DE VENERABILI EUCHARISTIAE  
SACRAMENTO  
THEOLOGICAE CONCLUSIONES  
EX PER BREVI CAPITIS SEXTI  
EVANGELII  
SANCTI JOANNIS PARAPHRASI  
A B. JOANNE TENA, ET MALDONADO,  
EMMANUELE MARIA CAVALERI,  
THEOLOGIAE, JURISQUE CIVILIS DOCTORE,  
AC SACRAE SCRIPTURAE INTERPRETE  
MODERANTE,  
IN REGIA HISPALENSI ACADEMIA  
PRO ANNIVERSARIA CONCERTATIONE  
KALENDIS OCTOBRIS,  
ANNI MDCCXCIX DEFENDENDAE.



---

Præbito permissu, et Regii Censoris approbatione: Hispali  
excudit Typificus Major, ejusdem civitatis.

Quid enim bonum ejus est, et  
quid pulchrum ejus, nisi fru-  
mentum electorum, et vinum  
germinans virgines?

*Zachar. cap. 9. v. 17.*



*Prooemium in Caput sextum*  
*Joan.*

**D**E corpore, ac sanguine Domini nihil dixit Joannes Domini nostri Jesu Christi passionem commemorans, sed plane alibi multo uberius, agebat Augustinus. (a) Hic locutum esse Evangelistam interpretabimur: tota fere hujus capitis litera, (licet renuant Cajetanus, Jansennius, Gabriel, atque Ricardus) de misterio corporis, et sanguinis Domini Jesu cum Augustino, Hieronymo, pluribusque clarissimis veteribus, et recentioribus interpretibus intelligenda venit: Quam quidem ex versu quinquagesimo secundo, et deinceps de hoc venerabili sacramento omnes fere Patres intellexere: Quae vero de mi-

(a)  
Lib. 3. de  
consens.





**P**OST unum ferme annum, ac patratum fuit à Christo Domino miraculum multiplicationis panum, secundum praedicationis Jesu Christi refert Joannes mira, ac doctrinam populis exhibita trans mare Galilaeae, Genesareth, idem ac mare Cinereth veteri testamento notissimum, *quod est Tiberiadis*, civitatis Tiberio Caesari dicatae, ut refert Josefus (a): trans mare, seu ingentem lacum, per quem transit fluvius Jordanis: Quod etiam ut ex Alcuino accepimus mare turbulentum saeculum quod Christus Dominus adit nascendo, calcavit moriendo, transiit resurgendo, potest intelligi.

Sequebantur Dominum navi eumtem multus populus quia videbant signa, *quae Joannes non refert, pedestres de Civitatibus circum-eundo mare, seu lacum Galilaeae* (b) vel forsitan cum Hilario: „Dei Verbum lege finita, navim concendens relicta Israel Ecclesiam gentium adit, ad quam aliqui de Synagoga tendunt (c) quorum infirmitates infirmantur.

(1) Post haec abiit Jesus trans mare Galilaeae, quod est Tiberiadis.

(2) Et sequebatur eum multitudo magna, quia videbant signa, quae faciebat super his, qui infirmabantur.



(a)  
Lib. 18. c. 3.

(b)  
Math. c. 14.  
v. 13.

(c)  
In c. 14.  
Math.

(VI)

fidelitatis, et caecitatis misertus Dominus avertit: nosque similiter docent turbae relinquentes civitates suas, hoc est (ajebat Hieronimus) pristinas conversationes. (d)

(d)

In c. 14.

Math.

(e)

Calmet ibid.

vv. 3. 4. 5.  
6.7.8.9.10.

Vidente Christo è monte, in quem ascenderat, ut sese subduceret (e) importunis turbarum studiis, multum pòpulum decimo circiter die ante Pascha ipsum quaerentem, atque sequentem, benigne eos excepit, atque eorum aegros ad vesperam sanavit; dixitque ad Philippum *unde ememus panes, ut manducent hi, non ignorans nec dubius, sed tentans eum*, atque fidei Apostoli periculum faciens ut et prodigium luculentius pateret, et Philippo, sive *ori Lampadis* (f) doctrinam abundantius impertiret, coeterosque Apostolos proponere urgeret, ibidem fuisse Panes paucos Hordeaceos, atque duos pisces, sive omnes simul, aut primum Andreas

(f)

Gloss.

(3) Subiit ergo in montem Jesus: et ibi sedebat cum discipulis suis.

(4) Erat autem proximum Pascha, dies festus Judaeorum.

(5) Cùm sublevasset ergo oculos Jesus, et vidisset quia multitudo maxima venit ad eum, dixit ad Philippum: Unde ememus panes, ut manducent hi?

(6) Hoc autem dicebat tentans eum: ipse enim sciebat quid esset factururus.

(7) Respondit ei Philippus: Ducentorum denariorum panes non sufficiunt eis, ut unusquisque modicum quid accipiat.

(8) Dicit ei unus ex discipulis ejus, Andreas frater Simonis Petri.

(9) Est puer unus hic, qui habet quinque panes hordeaceos, et duos pisces: sed haec quid sunt inter tantos?

(10) Dixit ergo Jesus: Facite homines discumbere. Erat autem foenum multum in loco. Discubuerunt ergo viri, numero quasi quinque millia.

(VII)

dreas dixerint: Puerum hos habere cibos qui turbis vim, atque saturitatem quemadmodum olim Gedeoni (g) hordeum victoriam adversus Madianitas, et per Elisaei benedictionem viginti panes centum viris satis, superque fuerunt, impertirent: sed miremur, simulque veneremur tantam Christi, et Apostolorum victus paupertatem, et vilitatem, triplo quippe vilioris pretii quam triticum in Palaestina hordeum ex Apocalipsi non obscure fuisse inferitur (h) his verbis *Bilibres tritici denario, et tres bilibres hordei denario.*

(g)  
Jud. c. 7.

(h)  
Cap. 6.

v. 11.

Accepit Jesus panes in manibus suis ut sese multiplicationis ostenderet auctorem, quam facultatem è Coelo accepisse à Patre ostendit, in sublime oculos elevando: et cum gratias egisset, distribuit discumbentibus: vel ut graeca habent exemplaria, *distribuit discipulis, discipuli vero acumbentibus*: quod et Cirillus, et Eutimius tradunt, atque legunt; quae unum idemque significant: Christum videlicet per se, et per Apostolos turbas sustentasse pane benedictionis, similiter, et ex piscibus quantum volebant, seu ut alii legunt quantum volebat Christus, distribuit. Sed quaecumque ab Evangelistis notantur cum iis liceat conferre, quae Apostolus Paulus (i) narrat, ut manifesto appareat Eucharistiam haec omnia mira praesignare. „ Quoniam Dominus „ Jesus in qua nocte tradebatur, accepit „ panem, et gratias agens fregit, et dixit: unde

(i)  
Ad Cor. 1.  
cap. 11.

(11) Accepit ergo Jesus panes; et cum gratias egisset, distribuit discumbentibus: similiter et ex piscibus quantum volebant.



(VIII)

unde licet pauca Toleti Hispani afferre (j)  
non sine magno concilio. „Evangelistae  
„haec notarunt voluerunt enim, ea quae  
„Christus in Eucharistia pane Sacratissimo,  
„fecit, praesignare. Nec tamen novos pa-  
nes Dominus voluit facere, seu creare, sed  
allatos cumulavit, „quia veterem scrip-  
„turam non reprobavit, sed aperiendo pa-  
„tescit. (k)

(j)  
In cap. 6.  
Joan.

vv. 12. 13.

Tantam reliquiarum copiam fieri voluit,  
quo miraculum evidentius evaderet ajebat  
olim Victor Ant. (l) et ut magis in fiducia  
Apostolos ipse Christus confirmaret, prop-  
terea duodecim cophini sunt juxta nume-  
rum Apostolorum, observavit Chrysosto-  
mus. (ll) At non tantum ex panibus super-  
fuere fragmenta sed ex piscibus ut legitur  
apud Marcum, *et sustulerunt reliquias frag-*  
*mentorum duodecim cophinos plenos, et de pis-*  
*cibus:* (m) impleti sunt, et manducaverunt  
omnes, et saturati sunt: quod Regius Pro-  
fecta in Eucharistia adimpletum vidit, atque  
letanter dixit, *Edent pauperes, et saturabun-*  
*tur:* At docemur etiam Deum liberaliorem  
esse donando, quam promitendo: promisit  
turbis cibum, tantos atulit, ut non solum  
saturati, et impleti sunt, sed superfuerunt  
fragmenta: Promisit Deus Moisi Virgam ger-  
minaturam, sed post *turgentibus etiam gem-*  
*mis eruperant flores, qui, foliis dilatatis in*  
*amygdalas deformati sunt.* (n) „Unum pro-  
„mi-

(k)  
Aug. lib. 83.  
qq. 61.

(l)  
In Marc.

(ll)  
In 16. Math.

(m)  
Cap. 8.

(n)  
Num. c. 17.

(12) Ut autem impleti sunt, dixit discipulis suis:  
Colligite quae superaverunt fragmenta ne pereant.

(13) Collegērunt ergo, et impleverunt duodecim  
cophinos fragmentorum ex quinque panibus hordeaceis,  
quae superfuerunt his, qui manducaverant.



## (IX)

„ misit Deus fructum in Virga, et plures  
 „ dedit, (o) Judaeis promisit Christus cibum,  
 omnibus hominibus instituit Eucharistiam,  
 ut ex hoc loco inferebat Paschasius Sum-  
 mus Ecclesiae Pontifex (p) „ Si enim pa-  
 „ nes crescunt, et non minuuntur, dum  
 „ satiant: quid putas caro Christi?

(o)  
 Orig. in  
 Num.  
 (p)  
 De Euc. c. 7.

vv. 14. 15.

Miraculi magnitudine commoti Judaei  
 Profetam magnum, à Mose vaticinatum (q)  
 Jesum manibus ac vocibus plausere, atque  
 Regem suum inaugurare, excusso Herodis,  
 et Romanorum jugo, cogitarunt, à quo  
 copiam frumenti, vini, olei, auri, et ar-  
 genti acciperent: Talem etiam nunc Mesiam  
 coeci Judaei spectant, instar Salomonis  
 fruges, et opes eisdem elargientem: ex quo  
 liquet, non ob Christi reverentiam, et  
 amorem, sed spe suarum utilitatum ad id  
 moti Judaei, quorum cogitationes cog-  
 noscens Dominus, qui intuebatur cor eorum,  
 licet aliter alii, solus in montem iterum  
 secessit, ne conturbaretur Herodes, et om-  
 nis *Hierosolima cum illo* (r) sicut in Mago-  
 rum interrogatione de Rege nato Judaeor-  
 um: Addiscant omnes non tantum honores  
 non quaerendos, nec dignitates magni ha-  
 bendas (s) sed quidquid seditionem sapit,  
 et constituta à Deo imperia detrectare vi-  
 deatur aufugere.

(q)  
 Deut. c. 18.

(r)  
 Math. 2.

(s)  
 Ciril. l. 3. in  
 Joann.

No-

## B

(14) Illi ergo homines cum vidissent quod Jesus fe-  
 cerat signum, dicebant: Quia hic est vere Profeta, qui  
 venturus est in mundum.

(15) Jesus ergo cum cognovisset quia venturi essent  
 ut raperent eum, et facerent eum Regem, fugit iterum  
 in montem ipse solus.

vv. 16. 17.  
18. 19. 20.  
21.

Novum miraculum diversum ab illo simili, quod Matheus, et Lucas capite octavo, et Marcus quarto narrant capite: Sed idem ipsum esse censeo quod Matheus (t) et Marcus (v) alibi tradunt, hîc à Joanne nostro narratur, in quo et si aliqua quae ab aliis notantur, Joannes reticeat, illud certe est in causa, istum suplevisse quae illi non aperuerunt. Venerunt ergo Discipuli trans mare in Capharnaum, transfretantes à parte altera Lacus, seu maris Galilaeae in terra Genesareth siti: Qua in remigatione quatuor fere milliaria illa nocte ventis in contrarium vehementer pugnantibus, percurrerunt, nec ad litus pervenere, antequam Dominum supra mare vidissent, ac velut spectrum timuissent, qui eos leniter reprehendit, ac sua voce timore depulso, fiducia confirmabit, quemque in sua navi recipere conati sunt Apostoli, qui statim fuerunt ad terram Capharnaum, seu genesar juxta Matheum, aut Genesareth juxta Marcum: nec mirum, sunt enim haec parva opidula, quorum praecipua totius Provinciae Civitas est Capharnaum. Sed contra-

(t)  
Cap. 14.  
(v)  
Cap. 6.

(16) Ut autem serò factum est, descenderunt discipuli ejus ad Mare.

(17) Et cum ascendissent navim, venerunt transmare in Capharnaum: et tenebrae jam factae erant: et non venerat ad eos Jesus.

(18) Mare autem, vento magno flante, exurgebat.

(19) Cum remigassent ergo quasi stadia viginti quinque, aut triginta, vident Jesum ambulantiem supra mare, et proximum navi fieri, et timuerunt.

(20) Ille autem dicit eis: Ego sum, nolite timere.

(21) Voluerunt ergo accipere eum in navim; et statim navis fuit ad terram, in quam ibant.

(XI)

traria Apostolorum remigatio, ipsorum, et Ecclesiae labores designare judicabat Aug. (u) „tantae sunt tribulationes, ut „etiam ipsi, qui credunt in Jesum expa- „vescant:“ Sed nolite timere dixit Christus Discipulis, nec timeant fideles pane Eucharistico, mundi fluctus deficiunt, sedanturque, nam parata nobis est mensa, *adversus eos qui tribulant nos* (x) sciant denique qui pie vivere volunt in Christo Jesu, actionis studium, et vitae labores viae, contemplationisque perfectionem fore, nec semper orationi vacandum, descenderunt quippe Discipuli Jesu ad mare.

(u)  
Tract. 25.

(x)  
Ps. 22.

Ev. 22. 23.  
24.

Turba, quam Christus paverat, postero die, non invenientes Jesum, nec navim, in quam potuisset adire Capharnaum, videntes, atque ignorantes ipsum nocte mare deambulasse sicoque vestigio Apostolorum in naviculam ad litus adventasse, certo concilio Jesum sequendi, illumque in Regem sibi creandi, ascendit naviculas, quae è Tiberiade ad litus apulerant, ut ad Capharnaum ascenderent, & Jesum invenirent, quem terra eumtem non vidissent, nec in Apostolorum navim concendisse scirent: Probabile etiam judicamus multum populum

(22) Altera die, turba, quae stabat trans mare, vidit quia navicula alia non erat ibi nisi una, et quia non introisset cum discipulis suis Jesus in navim, sed soli discipuli ejus abiissent.

(23) Aliae verò supervenerunt naves à Tiberiade, juxta locum ubi manducaverant panem, gratias agente Domino.

(24) Cum ergo vidisset turba quia Jesus non esset ibi, neque discipuli ejus, ascenderunt in naviculas, et venerunt Capharnaum quaerentes Jesum.

## (XII)

lum (y) ex iis quos payit Dominus, & alios ex vicinis opidulis itinere per terram Capharnaum adventasse ut ipsum tanta patrantem viderent.

(y)  
Calm. v. 23.

vv. 25. 26.  
27.

Invenientes turbæ Jesum, ab eo quaerebant quando, & quomodo? huc venisti Rabbi: seu *Magister noster* ut legit Siriaca Versio: quibus Dominus ut ostenderet non fidem, & amorem illos atraxisse, sed spem & ciborum utilitatem respondet, cum Augustino explicabimus „Propter carnem me „quaeritis non propter spiritum“: unde similes sunt illis, qui in Ecclesiasticis dignitatibus, & ministerio concionandi cibum quaerunt non Christum; quam multi sequitur Augustinus (z); „non quaerunt Jesum, nisi si ut illis beneficiat, vix quaeritur Jesus „propter Jesum.“ Dominus autem Jesus quem Pater signavit sigillo divinitatis, splendor gloriae ejus, figura substantiae ejus, signum paternae majestatis, Dei Verbum, atque sapientia, docet turbas sive in Litore, vel potius in Capharnaum *Operamini non cibum qui perit, sed qui permanet in vitam aeternam*: vel ut Arabicus vertit *operamini non ob cibum periturum*: licet enim *omnis Labor hominis in ore ejus sit* (aa), „Oportet vos non omnino deditos esse ventri, sed maxime spiritualem agite curam, nec omnem sollicitudinem (bb) in

(z)  
Tract. 25.

(aa)  
Ec.  
(bb)  
Theofil.

(25) Et cum invenissent eum trans mare, dixerunt ei: Rabbi, quando huc venisti?

(26) Respondit eis Jesus, et dixit; Amen, amen dico vobis: quaeritis me, non quia vidistis signa, sed quia manducastis ex panibus, et saturati estis.

(27) Operamini non cibum qui perit, sed qui permanet in vitam aeternam, quem Filius hominis dabit vobis. Hunc enim Pater signavit Deus.

(XIII)

in corporalem cibum insumatis. Asurgit igitur Dominus à cibo corporeo, ad spiritualem, virtutes videlicet gratiam opera bona, ut Jansenio, Maldonato, Bellarminio, aliisque visum est; sed praecipue ad Eucharistiam panem coelestem Angelorum cum Theofilacto, Ruperto, atque Hispano Toletio interpretari liceat. „Nec tamen animum cujusquam „subeat existimare illis verbis Christi *opera-* „*mini* prohiberi Christianis ne operentur, „& laborent ut comparent sibi cibum cor- „poralem (cc)“ jam enim David (dd) praecinit de justis: labores manuum tuarum, quia manducabis beatus es, & bene tibi erit.

vv. 28. 29.

Quaesire Judaei, vel ex arrogantia ut Cirillo (ee) & Chrysostomo (ff) vel potius ut Augustino (gg) bona fide, quid opus erat eis ut assequerentur beatitudinem, quos Christus docuit, fidem in ipsum, *quem* misit Pater, ad vitam aeternam assequendam esse necessariam: Nec exultent, plaudantque manibus haeretici, fidem hanc sine operibus sufficere, nisi opera quae fidem adimpleant, adjiciantur.

vv. 30. 31.  
32. 33.

Perfidi Judaei non tantum miraculum mul-

(28) Dixerunt ergo ad eum: Quid faciemus ut operemur opera Dei?

(29) Respondit Jesus, et dixit eis: Hoc est opus Dei, ut credatis in eum, quem misit ille.

(30) Dixerunt ergo ei: Quod ergo tu facis signum ut videamus, et credamus tibi? Quid operaris?

(31) Patres nostri manducaverunt manna in deserto, sicut scriptum est: Panem de Coelo dedit eis manducare.

(32) Dixit ergo eis Jesus: Amen, amen dico vobis: Non Moyses dedit vobis panem de Coelo, sed Pater meus dat vobis panem de Coelo verum.

(33) Panis enim Dei est, qui de Coelo descendit, et dat vitam mundo.

(cc)  
Parer. in c.  
6 Joan. disp.  
12.  
(dd)  
Ps. 27.  
(ee)  
Lib. 3. c. 30.  
(ff)  
Hom. 44.  
(gg)  
Tract. 25.

## (XIV)

multiplicationis panum habentes, nec magni extollentes, ut propterea in Jesum crederent, jactitabant, *Nonne Moyses dedit patribus nostris per quadraginta annos manna in deserto?* Quibus Dominus declarat, antiquum manna panem de coelo non fuisse; sed tantum panem verum de coelo esse à Patre hominibus datum ipsum Dominum Christum de coelo quotidie descendantem, vitamque universo mundo dantem, non Judaeis solum, qui ideo descendit de coelo per assumptionem humanitatis, ut *vitam habeant*, & *abundantius habeant*. (hh) Quoties enim Sacerdotes consecrant Eucharistiam, toties Christus verus panis de coelo vitam dat mundo, permanentem in vitam aeternam, atque ipsam etiam corporis vitam melius quam lignum vitae in Paradiso Proto-parentibus à Deo concessum, qui enim manducat hunc panem, resurget in novissimo die. Sed timeant peccatores Judaeorum imitari perversitatem: ne forsitan sese excusent ab ingredienda via salutis, ajebat olim Chrysostomus (seu quisquis sit autor operis imperfecti) & quemadmodum illi renuant „ cum per „ sermonem docet eos Christus *Quod signum ostendis?* cum per opera *si tu es Christus dic nobis:* ad meliorem sese recipere frugem.

(hh)  
Joan. 10.

v. 34.

Adhuc Judaei sensibile quiddam suspicabantur, adhuc ventrem implere spectabant, interpretabatur olim Chrysostomus (ii). Pulcre enim cum Ambrosio (jj) moneamus „ si „ quotidianus est panis (Eucharistiae) cur „ post

(ii)  
Lib. 3. c. 35.  
(jj)  
Lib. 5. de  
Sacr. c. 4.

(34) Dixerunt ergo ad eum: Domine, semper da nobis panem hunc.



„post annum illum sumis : sic vive ut quod-  
tidie merearis accipere.“

v. 35.

Ego sum ait Christus panis vitae, cibum quem quaeritis, vitalis, vivificus, per Manna figuratus, permanens in aeternum, qui non perit sicut illud vitae revera, vivificati enim sumus per Christum, qui est panis non *consuetae vitae sed aeternae* (kk). Canamus ergo cum Davide *Portio mea Domine*, qui Aaron dixit (ll). *Ego pars & Haereditas tua.*

v. 36.

Jam dixi vobis Magister ad Turbas ut quamvis vidistis me non creditis, docui vos me esse panem vitae, & non creditis : vidistis me miracula facientem, et quinque millia hominum paucis panibus, & piscibus saturantem, & non credidistis in me *Beati ergo qui non viderunt, & crediderunt* (ll ll). „Beati  
„nos verba sunt Chrysostomi (mm) qui in  
„unoquoque conventu Ecclesiae eum vi-  
„demus, quasi diceret (nn) beati sumus, quia  
„videmus Christum quando sacrum pera-  
„gitur, oculis internis credendo consecra-  
„tionis verbis à Christo, ejusque Ministris  
„prolatis, *Hoc est corpus meum* Christi sic  
„fruimur presentia, sic perfundimus coelesti  
„voluptate. Quid beatius?

v. 37.

Ex iis non estis, Judaei, quos Pater aeternus dedit filio suo, propterea illi non creditis, nec panem vitae comedetis : *vocavit enim vos, & renuistis* (oo) omne enim homi-

(KK)  
Teof.(ll l)  
Num. c. 18.  
v. 37.(ll ll)  
Joan. 10.  
(mm)  
Homil. in 9.  
Dominic.  
(nn)  
Escobaret. l.  
1. Sect. 6. ad  
cap. 6. Joan.(oo)  
Prov. l. 24.

(35) Dixit autem eis Jesus : Ego sum panis vitae : qui venit ad me, non esuriet : et qui credit in me, non sitiet unquam.

(36) Sed dixi vobis, quia et vidistis me, et non creditis.

(37) Omne, quod dat mihi Pater, ad me veniet : et enim, qui venit ad me, non ejiciam foras.

## (XVI)

minum genus ajebat Christus non ejiciam foras, foras enim hîc significat ex Cirillo, sicut apud Matheum *elegerunt bonos in vasa sua, malos autem foras miserunt*. E grege Christi Judaei non erant, quippe illos Pater non dedit: at non dedit ob animi eorum duritiam, & pervicaciam, vos Judei exitii vestri causa. *Perditio tua ex te Israel* (pp). Ex filiis ergo Dei erit judicandus, qui hunc panem avide, & frequenter comedat: vincenti enim dabitur manna absconditum: & sicut ajebat olim R. Barachias (licet mihi non placeant RR. commentarii), „ fuit Re- „ demptor primus Moises sic erit Redemptor „ ultimus. Erit enim placenta frumenti in „ terra, sicut Redemptor primus fecit des- „ cendere manna (qq).

(pp)  
Osee. 13. 9.

(qq)  
In Ps. 71.

vv. 38. 39.  
40.

Ideo enim Christus carne amictus venit in mundum ut adimpleret voluntatem Patris ejus, qui omnes quos filio suo dedit, salvos facere, ac beatitudine donari sincere, ac efficaci voluit voluntate, ac beari tum beatitudine animarum, quam corporum, „ totum quippe „ hîc ait Ambrosius, hominem filius Dei ac- „ cepit ex Virgine, totum integrum suscitabit “ Id est animam, & corpus: quod resurrectionis triumphum Christus, & sibi & nobis reportabit: quam quidem beatitudinem as-  
se-

(38) Quia descendi de Coelo, non ut faciam voluntatem meam, sed voluntatem ejus, qui misit me.

(39) Haec est autem voluntas ejus, qui misit me, Patris: ut omne, quod dedit mihi, non perdam ex eo, sed resuscitem illud in novissimo die.

(40) Haec est autem voluntas Patris mei, qui misit me: ut omnis, qui videt Filium, et credit in eum, habeat vitam aeternam, et ego resuscitabo eum in novissimo die.

(XVII)

sequemur credendo in Filium, qui nobis dat carnem suam panem vivum de coelo manducare, & sanguinem suum bibere ad replendum nos omni voluptate: quam aposite Isaias. *Quare (rr) appenditis argentum et non in panibus laborem vestrum, & non in saturitate.... Venite emite absque argento, & absque ulla commutatione vinum, & Lac.* Quinam cibus seu potus simul est vinum ad voluptatem, & lac ad nutrimentum, & robur, nisi qui datur diligentibus Deum, & qui permanent in vite Christo, hac inebriabuntur voluptate, & simul robore, ut immortales reddantur, & Filius Dei suscitabit in novissimo die.

(rr)  
Cap. 55. v. 2.

vv. 41. 42.

Murmurabant Judaei quia vel se panem de coelo, suamque doctrinam cibum coelestem diceret Christus, vel forsitam quia se è Coelo lapsum, Moyseque excellentiorem praedicaret, intellexerant saltem pluri mi Judaei Christum Filium Dei esse, & de Coelo non de terra suam trahere originem, ideo quaerunt contemnendo *nonne hic est filius Joseph?*

vv. 43. 44.

Quibus praecepit Dominus ut sibi non detraherent, nullam quippe causam eis dederat: veritatem dico vobis, sed eam non

C

ca-

(41) Murmurabant ergo Judaei de illo, quia dixisset: Ego sum panis vivus, qui de Coelo descendi.

(42) Et dicebant: Nonne hic est Jesus filius Joseph, cujus nos novimus patrem, et matrem? Quomodo ergo dicit hic: Quia de Coelo descendi?

(43) Respondit ergo Jesus, et dixit eis: Nolite murmurare in invicem.

(44) Nemo potest venire ad me, nisi Pater, qui misit me, traxerit eum: et ego resuscitabo eum in novissimo die.

(XVIII)

capitis, quia non estis è meo ovili, oves  
meae vocem meam audiunt: atendite, et per-  
timescite incircuncisi Judaei *qui dilexistis tene-  
bras magis quam lucem* nemo potest venire ad  
me, nisi Pater traxerit eum, qui credunt in  
me resuscitabunt in novissimo die, at nemo  
potest in me credere, nisi Pater eum trahat,  
ut credat, trahat non vi, & necessitate, ut  
somniauerunt Novatores, sed unusquisque tra-  
hitur auxilio, dono, & adjutorio, audiatur  
Aug. (ss), „noli cogitare te invitum trahi,  
trahitur animus, & amore: ideo ergo vos Ju-  
daeï me non auditis, quia Patris mei vocem  
nec audistis, sed semper renuistis, ideo vos  
me spernitis Filium Dei, nec de coelo descen-  
disse, sed Joseph, & Mariae: At animadver-  
tite, haec Maria terra est benedicta bene-  
dixisti quippe cecinit David Domine ter-  
ram tuam, quae protulit triticum, & vinum  
de pinguedine terrae, sed est etiam Coelum  
proferens panem coelestem de rore Coeli,  
juxta senem Isaac vestrum Jacobum benedi-  
centem: *Det tibi Deus de rore coeli, & de pin-  
guedine terrae abundantiam frumenti, & vini*  
(tt) Nolite ergo jan murmurare: Me Domi-  
num non detractatione percutiatis: Caveamus  
Praelatos Ecclesiae detractari (uu) nec enim  
contra ipsos est murmur sed contra Dominum.

(ss)  
Tract. 26.

(tt)  
Genes. 17.  
(uu)  
Exod. 16.

vv. 45. 46.

Novum suadere conatur Judaeis, atque  
exhibere argumentum Christus Dominus ex  
Isaia desuntum (xx) *Ponam omnes filios tuos  
doctos à Domino, vel Pribabilius ex Jere-*  
mia

(xx)  
Cap. 57. v.  
13.

(45) Est scriptum in Prophetis: Et erunt omnes  
docibiles Dei. Omnis, qui audivit à Patre, et didicit,  
venit ad me.

(46) Non quia Patrem vidit quisquam, nisi is, qui  
est à Deo, hic vidit Patrem.

## (XIX)

mia (yy) etiam Exequiele (zz) atque Joele (aaa) erunt omnes docibiles Dei, id est ex omni Gentium genere hi venient ad me, qui Patri meo obedientes ipsum audiant, meamque doctrinam ab illo acceptam assequantur, quos ipse ad me trahet, non vi aut necessitate sed illustratione, quosque verba sunt Aug. „ docendo delectat“ illud tamen animo ne fingatis, humana at sensili aliqua sub specie Patrem meum vos edocturum: nemo quippe eum vidit, nec Moyses aut Patriarchae oculis corporeis ipsum intuiti sunt, solum ego qui exivi è sinu Patris. Si ergo fideles vultis audire vocem patris, verba mea audite, accipite panem meum, ea puritate qua decet filios Dei *est enim vere panis filiorum* praecinuit Angelicus Praeceptor (bbb)

(yy)  
C. 31. v. 33.  
(zz)  
Cap. 8.  
(aaa)  
Cap. 2.

(bbb)  
In of. Corp.

vv. 47. 48.

Quae dixerat Christus v. 40 iterum docet, *qui credit in Filium habet vitam aeternam*, et quasi jurejurando affirmat (nam rudes Judaei nec Profetarum oraculis dociles, et fideles acquiescebant) ut ad se traheret, edoceretque eos quos trahit Pater, credere ipsum Christum *panem vitae esse* iis à quibus cum vera, vivaque fide comeditur, nam ut aiebat Aug. (ccc) „ Valde remota est à „ sensibus carnis haec schola, in qua Pater „ auditur, et docet ut veniatur ad Filium, „ nec agit haec cum carnis aure, sed cordis. “

(ccc)  
Lib. 1. de  
Praed.

Aten-

(47) Amen, amen dico vobis: Qui credit in me, habet vitam aeternam.

(48) Ego sum panis vitae,

vv. 49. 50.

Attendite discrimen quod interest manna inter, et me ipsum panem vivum de Coelo descendentem, Patres vestri illud manducaverunt in deserto, et mortui sunt: Qui vero ex hoc pane manducaverit non morietur, nec quoad animam, quae vivet in aeternum, nec quoad corpus, quod hujus panis virtute gloriosum resurget (et licet aliter graves explicent Doctores, peritissimo hispano Maldonato assentimur) Quandam Christus hic comparisonem manna inter, et panem Eucharisticum instituens, hujus excellentiam ex maiori virtute animas, et corpora vivificandi, ostendit, nam antiquum Manna veterum Patrum corpora non potuit ad vitam revocare: Sed qui manducaverit ex hoc novo Manna de Coelo descendente non morietur. O! quam suavis, et dulcis resurrectionis memoria. Justorum animae, atque corpora hujus panis virtute resurgent.

v. 51.

Iterum Christus Dominus ut versibus 33. 35. 50. seipsum declarat panem vivum, comedentes vivificantem, cum manna esset in se inanime, et mortuum nec vere de Coelo descendisset, quemadmodum Christus Verbum Patris, qui de *Coelo descendit*, „ cum de Coelo cibum quaererent Judaei, „ docebat Chrysostomus, ideo frequenter se „ de Coelo descendisse testatur.

Post-

(49) Patres vestri manducaverunt manna in deserto, et mortui sunt.

(50) Hic est Panis de Coelo descendens: ut si quis ex ipso manducaverit, non moriatur.

(51) Ego sum panis vivus, qui de Coelo descendi.



v. 52.

Postquam Christus egit de pane spirituali, qui est verbum, hic consequenter agit de pane spirituali, qui est Sacramentum, multoties de hoc pane agit Christus: ut ex repetitione hujus sententiae Judaeos excitaret ut ejus quaererent sensum: Sed audiant Judaei, audiant etiam Novatores, audiant Excatholicis Quid hic sit panis! Caro nimirum Christi. Dominus ergo promisit quod pridie mortis celebrando Pascha Judaeorum, cum Discipulis suis adimplevit, cum dixit eis accipiendo panem in manibus suis, comedite, *hoc est corpus meum, quod pro vobis tradetur*: hoc est, non azimi panes, in quibus venerabile instituit Sacramentum, sed corpus meum ipsum, quod pro vobis tradetur, et quemadmodum tradetur semel in Cruce pro mundi vita, quotidie etiam haec caro mea pro mundi vita erit: est hic panis aiebat Theofil: *Caro Christi, non figura ejus carnis*: promisit hic Christus quod olim desiderabant, amantes servi Job dicentes; quis det de carnibus ejus ut saturemur: „ Id sane praestitit Dominus, verba sunt Chrysostomi qui quo se arctiore „ nobis charitate astringeret non solum videri se à nobis, et tangi, sed etiam manducari voluit.

v. 53.

Litigabant Judaei, seu *rixabantur alius cum alio* ut legit Siriaca Versio, quomodo posset Christus carnem suam dare ad man-

(52) Si quis manducaverit ex hoc pane, vivet in aeternum: et panis, quem ego dabo, caro mea est pro mundi vita.

(53) Litigabant ergo Judaei ad invicem, dicentes: Quomodo potest hic nobis carnem suam dare ad manducandum?

## (XXII)

manducandum, disidebant de ejus potentia ad institutionem hujus Sacramenti, nec acquiescebant ut caro Christi foret in posterum hominum cibus, sed humiliter credamus verum Christi corpus à nobis in Eucharistia sumi, ubi adest vere, realiter, ac substantialiter; *Ortus est enim* ut cecinebat Malac. (ddd) *nobis timentibus sol justitiæ, et sanitas in pennis ejus.* Quam dulcis, et rectus Dominus! „Cibus vere dulcis est, de-  
 „ vote Gregorius, corpus, et sanguis Chris-  
 „ ti: ea ergo mentis puritate asumamus  
 „ ut possimus accipere vitam.

(ddd)  
 Cap. 4.

vv. 54. 55.

Nisi ergo manducaverimus Carnem filii hominis, et biberimus ejus Sanguinem non habebimus vitam in nobis, nec resurgemus in novissimo die; hic enim cibus, hic panis Eucharisticus vere panis est vitæ potius, quam lignum illud in medio Paradisi positum, ne ergo jam timeamus adimplere praeceptum Domini, necnon et saltem quotannis ut Ecclesia praescripsit (eee) accedamus ad hanc mensam; ad hoc lignum quod „non tantum dat vitam, ut aiebat Theo-  
 „ doretus (fff) sed bene vivere, et semper  
 „ vivere. Concipiamus ergo ex hoc ligno vitæ affectum amoris ut devote excitat Bonaventura, (ggg) atque ex duplici specie institutum Sacramentum fateamur, ex pane et vino id est ex carne Christi, et ex ejus Sanguine.

(eee)  
 Conc. Lat.  
 Trid.

(fff)  
 QQ. in Gen.

(ggg)  
 In 2. sent.

Que-

(54) Dixit ergo eis Jesus: Amen, amen dico vobis: Nisi manducaveritis carnem Filii hominis, et biberitis ejus sanguinem, non habebitis vitam in vobis.

(55) Qui manducat meam carnem, et bibit meum sanguinem, habet vitam aeternam, et ego resuscitabo eum in novissimo die.

v. 56.

Quemadmodum cibi, et potus effectus est manducantibus, et bibentibus vitam dare, ita Christus rationem reddit ejus quod hoc accipientibus Sacramentum non solum vita conceditur nunc per gratiam, sed novissimo etiam die per gloriam, caro enim Christi, et sanguis ejus vere potus, et cibus est, quod per transubstantiationem ex pane in corpus, et vini in sanguinem Christi fieri cum Ecclesia Catholica explicamus, atque sustinemus, non parabolice, non mystice tantum sed vere cibus, vere potus est: Hanc enim mensam edificavit sapientia, *quae immolabit victimas suas* (hhh) (justa Tertulianum *jugulabit filium suum*) *miscuit vinum proposuit mensam suam* Timeant peccatores ne hoc epulum misceatur non enim exsolventur foeces ejus nam *calix in manu Domini* (iii) *vini meri plenus mixto - fex ejus non est exinanita bibent omnes peccatores* „At non „ vos terreat dicemus cum Aug. humiles „ corde, nam peccatores bibendo foecem „ evanuerunt, vos bibendo vinum justificati estis. (jjj)

(hhh)  
Prob. c. 94(iii)  
Psalm. 741(jjj)  
In Joan.

v. 57.

Arctior nullus est modus conjunctionis quam per ciborum concoctionem cibus nimis in comedentis substantiam convertis, ita per sumptionem hujus Sacramenti corpus, et sanguis noster cum corpore, et sanguine Christi conmiscetur, redduntur enim membra nostra ut Apostolus (kkk) *membra Christi* ac propius quam per fidem, et Char-

(KKK)  
Ap. ad Cor.

ri-

(56) Caro enim mea, verè est cibus: et Sanguis meus, verè est potus:

(57) Qui manducat meam carnem, et bibit meum sanguinem, in me manet, et ego in illo.

## (XXIV)

ritatem manet in nobis Christus, stabilimur enim verius quam Jacob. (lll) frumento et vino, nam coelisti hoc pane filios suos in virtute Christus reddit stabiles, ut praedixerat Oseas (ll ll ll) *vivent tritico* ubi septuaginta *vivent et confirmabuntur frumento*, hic enim *panis cor hominis confirmat* (mmm) vel ut eleganter Hieronimus *erit memorabile triticum*.

(lll)  
Genes. 27.

(ll ll ll)  
Cap. 4.

(mmm)  
Ps. 103.

v. 58.

Christus docet eximia, atque egregia comparatione ex vita sibi à patre vel per aeternam generationem, vel potius per temporalem (licet aliter alii) communicata, atque per unionem hipostaticam Divinitatis accepta, ipsum vita Patris vivere, ita qui ipsum manducat in hoc Sacramento, propter unionem qua in eo manet, vivet vita Christi, atque in eo suscitabitur. Laetare ergo et exultato Juste, audi vocem Domini Dei tui, qui ipsius Dei virtutes in hac mensa participas *tu* (vere) *homo unanims Dux meus, et notus meus* (nnn) arctissimo vitae, et amicitiae vinculo Christo adhaerens, quo cum *simul dulces capiebas cibos* (ooo) in Domo Dei ambulabas cum consensu: eadem quippe in Dei obsequium opera agis quam Christus cui propter hunc cibum redderis unanims: „ Fiant ergo Christiani corpus Christi si volunt vivere de spiritu Christi. (ppp)

(nnn)  
Ps. 54.

(ooo)  
Ibidem.

(ppp)  
Aug. hom. 26. in Joan.

vv. 59. 60.

Augustissimi hujus Sacramenti doctrinam

(58) Sicut misit me vivens Pater, et ego vivo propter Patrem: et qui manducat me, et ipse vivet propter me.

(59) Hic est panis, qui de Coelo descendit. Non sicut manducaverunt Patres vestri manna, et mortui sunt. Qui manducat hunc panem, vivet in aeternum.

(60) Haec dixit in Synagoga docens, in Capharnaum.

nam tradidit, atque obclūsit Christus Dominus in publica synagoga Capharnai, ubi frēquentissima concione promisit publice quod postea unis Apostolis testibus instituit, suumque de hoc sermonem persolvit hujus panis excellentiam prae antiquum Manna declarans: sed timeant Fideles Apostolum docentem, omnes (veteres) eamdem escam spiritalem manducaverunt sed non in pluribus eorum beneplacitum Deo (qqq) nam postrati sunt in deserto quia indigne typum Eucharistiae receperant. Arcendi ergo sunt, removendique ab hac mensa publici peccatores, nec *Sanctum licet dare canibus.*

(qqq)  
Ep. 1. ad  
Cor.

Non tantum duris, vel difficilis ut habet Versio Arabica, seu austerus, ut Graeca, vel qui aegre admittit potest ut legit Eutimius, visus fuit multis ex Discipulis Jesu sermo quem dixerat de carne sua manducanda; sed ita intolerabilis, ut Chrysostomus vertit, duris, ac incircumcisis Judaeis ut nemo posset nec credere, nec admittere, sed neque ullo modo audire. Proh dolor! quam multi hoc Sacramentum dilacerant, ut canes, de quibus Dominus quaeritur per Davidem (rrr) *circumdederunt me canes multi* in quae aposite Athanasius (sss) „ubi „cadaver, ibi et aquilae: sed ut canes accedimus.“ Tanta nostra est impudentia. Proben ergo se, non distribuentes, sed omnes qui hoc corpus accipiunt.

(rrr)  
Ps. 21.  
(sss)  
Orat. de  
Para.

Cog-

D

(61) Multi ergo audientes ex discipulis ejus, dixerunt: Durus est hic sermo, et quis potest eum audire?



Cognocens Dominus occultas Discipulorum oblocutiones dixit, hoc vos scandalizat? audite, qui praeceptum statuit de comedendo ejus carnem, accendet gloria indutus, ubi erat prius, veritatemque Eucharistiae, ex sua mirabili in Coelum ascensione confirmat: ad retundendam autem crassam Capharnaitarum intelligentiam docet, ut licet vere, et realiter suam manducare carnem praeciperet, non tamen ferino et terreno sensu haec intelligenda fore, sed spiritali, occulto atque sacramentali modo illam manducari oportere „nam necesse „est aiebat Aug. (ttt) hoc sacramentum „visibiliter celebrari, oportet tamen invisibiliter intelligi.“ Desine ergo exultare Novator Capharnaita Calvine mistica corporis Christi manducatio tua sententiâ satis non est: impleri debet praeceptum Domini de manducatione corporis, et sanguinis Christi: *Bodem* audito „sicut caro Christi „explicantem non tantum ex eo, quod „caro sit, virtutem vitae aeternae confert, „sed ex eo praecipue quod ex spiritu uni- „geniti à Patre sit animata, vitam confert „aeternam, ita similiter licet praecepta sit vera, et realis manducatio corporis Christi, non carnali illorum sensu dentibus perimenda est, sed spiritali intelligentia sumenda est;

(ttt)  
In Ps. 98.

(62) Sciens autem Jesus apud semetipsum, quia murmurarent de hoc discipuli ejus, dixit eis: Hoc vos scandalizat?

(63) Si ergo videritis Filium hominis ascendentem ubi erat prius?

(64) Spiritus est, qui vivificat; caro non prodest quidquam: verba, quae ego locutus sum vobis, spiritus et vita sunt.



est; ad recipiendum ergo Coeleste Sacramentum ad Coelum opus est animum avolare: Eliae Panem subcirenium comedenti Angelus praecepit, *surge, et comede* et ambulavi in fortitudine cibi illius usque ad montem Dei: „Eucharistico epulo nos re-  
 „fecti, verba sunt Pascasii Pontificis ad al-  
 „tiora in fortitudine transeamus:“ ubi enim est corpus Christi velut aquilae congregemur; „oportet ergo, pulchre agebat Chry-  
 „sostomus (uuu) qui ad hoc Christi acce-  
 „dit corpus Aquilam esse sublimem, et  
 „cum terra nihil habere commune.“

(uuu)  
 Hom. 24.  
 in Epist.  
 ad Cor.

vv. 65. 66.  
 67.

*Ab initio* ab aeternitate sciebat Jesus eos qui à Patre suo non erant dati sicut v. 44. explicuimus, in eum non fore credituros, ab eoque recessuros, dicentes durus est hic sermo, „durus ait Aug. sed incredulis, du-  
 „rus hic sermo, (xxx) ipsi erant duri, non  
 „sermo, si non duri essent discerent ab illo,  
 „quod illis discedentibus, qui remanserant  
 „didicerunt.“ Sed abierunt retro, post Sathanam interpretabatur Aug. ex illo Apostoli (yyy) *Quaedam conversae sunt retro post Sathanam.* Sed animadvertamus, in via Spiritus ipsum non progredi regredi esse, nam *multi Discipulorum abierunt retro, quia jam non cum illo ambulabant.*

(xxx)  
 In Ps. 98.

(yyy)  
 1. Tim. 8.

Jesus

(65) Sed sunt quidam ex vobis, qui non credant. Sciebat enim ab initio Jesus qui essent non credentes, et quis traditurus esset eum.

(66) Et dicebat Propterea dixi vobis, quia nemo potest venire ad me, nisi fuerit ei datum à Patre meo.

(67) Ex hoc multi discipulorum ejus abierunt retro, et jam non cum illo ambulabant.

(XXVIII)

vv. 68. 69.  
70.

Jesus „ neque adulatus (zzz), verba sunt  
„ Chrysostomi, nec expulit sed interrogavit  
„ non quod eos contemneret, sed ne vi te-  
„ nere videretur et vos vultis abire? Vos  
quos dedit mihi Pater, quosque ad me tra-  
xit, offensi, et scandalizati vultis à me rece-  
dere, sed duodecim remanserunt „ nam hîc  
„ dicebat Aug. nec Judas recessit.“ Sed Pe-  
trus aliis ferventior, ordine major, fide  
firmior pro omnibus respondit. *Ad quem*  
*ibimus? Verba vitae aeternae habes:* „ non  
„ dura interpretatur Cirillus ut illi Caphar-  
„ naitae, sed aeternae vitae habes, quae con-  
„ ducere credentes posunt ad vitam incor-  
„ ruptibilem. hinc discimus unum duntaxat  
„ Christum sequendum esse Magistrum  
„ qui ad vitam aeternam deducere potest.“  
Et nos credidimus, seu *certi sumus* (aaa), &  
cognovimus ex tot, tantisque miraculis, ex  
doctrinae tuae santitate quia *tu es Filius*  
*Dei vivi.*

(zzz)  
In Joan.

(aaa)  
Arab. versis.

vv. 71. 72.

Sed restitit in faciem Petro Christus, sci-  
to te falli, unus ex vobis Diabolus est, à me  
recedet, Poenitentiam non aget, supliciis  
amandabitur aeternis: Diabolus est imitatio-  
ne, & similitudine, me tradet Principibus  
Sa-

(68) Dixit ergo Jesus ad duodecim: Numquid et vos  
vultis abire?

(69) Respondit ergo ei Simon Petrus: Domine ad  
quem ibimus? Verba vitae aeternae habes.

(70) Et nos credidimus, et cognovimus, quia tu es  
Christus Filius Dei.

(71) Respondit eis Jesus: Nonne ego vos duodecim  
elegi: et ex vobis unus diabolus est?

(72) Dicebat autem Judam Simonis Iscariotem: hic  
enim erat traditurus eum, cum esset unus ex duo-  
decim.

(XXIX)


Sacerdotum postquam de corpore, & sanguine meo accipiet, quod cum Aug. & Hieronim. (licet renuant gravissimi interpretes) probabilius judicamus. „Numquid ajebat „Hieronimus (bbb) quia & Judas de eodem „Calice bibit de quo & coeteri Apostoli, „unius cum reliquis erit meriti? Sed timeant Peccatores judicium sibi manducare, et bibere, si ad hoc accedant sacramentum ut Judas, timeant ne sicut ille, coedem accipiant aeternam: „edebat, verba sunt Chrysostomi (ccc) cum pane coedem, et sorbebat cum potione sanguinem: ipse Judas in epulas Carnifex:“ sed timeant etiam mortem Corporis, dicente Apostolo de indignis sumentibus Eucharistiam, *ideo dormiunt multi.*


(bbb)  
Lib. 2. In  
Jovin. cap. 4.

(ccc)  
Hom. 3. de  
Resur.











A 111/029



UNIVERSIDAD DE SEVILLA



600159422

- 1) i 250 160 40
- 2) i 2350 46 4X
- 3) i 235 1100X
- 4) i 234861 56
- 5) i 23513780
- 6) i 23504626
- 7) i 29127129
- 8) i 23467721
- 9) i 2360279X
- 10) i 2350903X
- 11) i 23512799
- 12) i 23523153
- 13) i 23612873
- 14) i 2346656X
- 15) i 2361397X
- 16) i 2347919X
- 17) i 23611613
- 18) i 23527869
- 19) i 23462346
- 20) i 23608365

